



UNIVERSITÄTS-
BIBLIOTHEK
PADERBORN

**Florus Biblicus Seu Narrationes, Ex Veteri Testamento
Selectæ**

Pexenfelder, Michael

[S.l.], 1711

XXXVI. Achánis sacrilegi lapidatio.

[urn:nbn:de:hbz:466:1-64523](https://nbn-resolving.org/urn:nbn:de:hbz:466:1-64523)

Scelera sua simulacorum fictilium adoratio, veneficorum & incantationum præstigiæ, ac crudelitas; dum parentes liberos, vel per Sacrilegas flammæ lentè traducerent; vel, quod immanius, in statuarum ex ære fusili candentibus brachijs torrendos darent, præterea libidinum nec finis, limes, aut modus aut reverentia. Pœnas igitur extremas jam olim merebantur; eas divina Justitia suis causis in longum dilatas, evolutò tandem diffumulationis circulo, flagitiorumque numeris omnibus impletis; ingenti cum fœnore tarditatis, inflixit. Durius castigat pœna; & protacta peccandi licentia, ferro vindici aciem inducit severissimam.

NARRATIO. XXXVI.
ACHAN SACRILEGUS LAPIDATUR.

Iosue 7. Anno Mundi 2584.
 Ante Ch. 1469.

U Nius sæpe noxa cœtum integrum contagione sceleris involvit, & iræ ac vindictæ subijcit divinæ. Eversâ Jerichunte, non quievit ira Dei vindex, vel vindictæ minister, bellicosus Iosue gladius; victoriarum tamen cursum aliquantum interruptit hominis unius culpa, plurium sanguine expianda. Tam Numinis, quàm Josuæ interminatione severè fuerat interdictum, ne quis de urbe, anathemati subjecta, funditusque delenda quidquam sublegeret, aut sibi usurparet. Infregit mandatum cujusdam avaritiæ militis, cui nomen Achan,

Achan, de tribu Judæ, hic in direptione Jerichuntis
 conspicatus inter spolia chlamydem purpuream, au-
 ro contextam; laminam infuper auream (vulgata
 Latina *Regulam*: Hebraica *Linguam* vocat, nimirum
 in linguæ formam, fusam vel extensam) quinquaginta
 siclorum, scilicet aureorum. (Nostrate moneta,
 trecentis, viginti florenis Rhenanis aestimanda)
 Hæsit in vestigio Ultio Divina Sacrilegio. Miserat
 Josue ad expugnandam *Haiam* (pulcherrimam
 iis temporibus, æ montanam urbem, non perinde
 civibus, ut opibus copiosam) tria pugnatorum
 millia; negarunt enim pluribus opus esse, qui lo-
 cum explorarant; hi dum aggressionem moluntur,
 prorumpit ex urbe subito miles, perterritos in
 fugam vertit, perque prona fugientibus imminens
 triginta tres ex eis cædit. Cladis acceptæ nuntius
 ut in castra pervenit, majorem, quam pro cæsum
 numero, mæstitiam attulit. Rati namque ea se
 regione jam potitos, & exercitium, uti promiserat
 DEUS, habituros illæsum, cum viderent eo successu
 hostium animos vehementer elatos, luctui sese
 lacrimisque dederunt.

„ Josuen ea maximè calamitas affecit; quare co-
 „ ram Arcaprostratus, cum fiducia DEum allo-
 „ quens, Nos inquit, ô Domine, non nostra teme-
 „ ritate, sed tuis promissis, & prodigiis adducti fu-
 „ mus, ad terram hanc armis subigendam: nunc
 „ verò, contra quàm sperabamus, clade, casuque
 „ territi; post talia belli exordia, quos nobis pro-
 „ gressus polliceamur; Non nostrum, sed tuum No-
 „ men agitur. Quid enim sit inexpectatum, perre-
 „ humunciones, è terra prodeuntes, in terram redi-
 „ tur

uros; sed tua gloria, tuus honor vindicandus ab
 opprobrijs, & ludibrijs gentium. Quis enim te
 colet; tibi quis genua ponet, adolebit thura, pa-
 trabit Sacrificia, si perdis eos, quos tuis Sacris im-
 buisti; tuo Cultui consecrafti? Quodd si nostrum
 supplicium merentur scelera; Magnum certè No-
 men tuum non meretur ignominiosè traduci, &
 conculcari; huic consule, hoc tuere. Hæc ille.
 Nec cassæ fuere preces. Responsum enim ab Ora-
 culo accepit, surgeret, Sacrilegio pollutum exerci-
 tum lustraret: præsentis calamitatis causam esse,
 religionem violatam. Itaque recurritur ad sortes;
 nomina Tribuum per familias & domos jaciuntur in
 urnam; deprehenditur rea tribus Judæ; & in ea, fa-
 milia *Zabdi*; in hac *Achan*, occultò furtò devinctus.
 Hic quâ sorte; quâ suamet confessione convictus,
 cum locum ostendisset in tentoriò, ubi Sacrilegam
 prædam defoderat, jussu Numinis, & Josuæ; duci-
 tur in vallem *Achozem*, ab universo populo; tanquam
 catharma & communis perniciès lapidibus obrui-
 tur; deinde in rogam conjectus, cum uxore liberis,
 omni suppellectile, gregibusque comburitur, DEO,
 absoluto vitæ necisque Domino, etiam innocentum
 morte in scelus unius, ad aliorum terrorem, & exem-
 plum sæviente.

NARRATIO XXXVII.
 VRBS HAJA AB HEB-
 RÆIS EXCISA.

Josue 8. Anno Mundi 2584. Ante
 Christum 1469.

Dies